

بوابة المطار الكمي

المطار الكمي مطار خاص لمرور الالكترونات والتأكد منها لأسباب غير معروفة..

يعلن المطار الكمي عن وصول الكترون
برجاء الانتباه والتدقيق في اوراقه
يتقدم ضابط ويستوقف الالكترون ويبدأ
الحوار

.. سيادتك الكترون

.. الحمد لله

.. أوراقك بتقول أنك جسيم

.. لا أنا موجة مش جسيم بس عادي لو
تحب ابقى جسيم طالما عايز كده

.. أزاى بقى موجة ولا جسيم

.. أنا انفع الاثنين بيسموها الطبيعة
المزدوجة.. جورج طومسون خذ نوبل
سنة 1937 لاثبات ان الالكترون موجة

وابوه جوزيف خذ نوبل عشان اثبت ان
الالكترونون جسيم 1906 عادي جدا
وارفين شروودنجر كتب المعادلات التي
تصف العالم الكمي للموجات بينما كتب
فيرنو هايزنبرج المعادلات التي تكشف
العالم الكمي للجسيمات والاثنين زي
الفل.

..ايوه بس أنا ذكر وانثي أما ذكر وأما
أنثي

.. عشان أنتم بشر أنا الكترون يعنى
العالم الذري وأقل من الذري كمان أنا
عشان كده دخلت من المطار الكمي
بدل مطار القاهرة بتاع البشر

.. طب افهمها أزاى أنك تكون حاجتين
غير بعض في نفس الوقت

.. عادي جدا الناس مكنتش مصدقة
أن في حاجة اسمها حتى عام 1827
م كان لايزال الجدل حول وجود الذرة
ولم يحسم بعد حتى أن العلماء الذي

أيدوا وجودها اتهموهم بالغباء والكفر
وفي هذا العام قام عالم بتجربة
بسيطة على (حبوب اللقاح) حيث
وضعها في ورق ماء ثم قام
بملاحظتها بالتلسكوب (أي طفل يقدر
يعمل كده) ولاحظ اهتزاز حبوب
اللقاح وكان السؤال المنطقي لماذا
تهتز حبوب اللقاح؟ فقام كتابة ورقة
بحثة حول تجربته ولم يهتم أحد بها
بعد ذلك بـ 80 سنة جاء مدرس
فيزياء غلبان وسأل نفس السؤال
لماذا تهتز حبوب اللقاح؟ وأكتشف
ببساطة الدليل المؤكد لوجود الذرة
(أي مدرس فيزياء ورياضيات كان
ممكن يسأل نفس السؤال ويوصل
لنفس النتيجة بس صاحبنا سبق)
وهكذا بدأ عصر الفيزياء الذرية وحصل
مدرس الفيزياء على جائزة نوبل
وبالمناسبة اسمه معروف الان بالبرت
أينشتاين.

.. طبعاً حد ما يعرفش اينشتاين..
معلش أنت ليه بترفع أيدك اليمين مرة
والشمال مرة ومرات تنظر لأعلي
ومرات لأسفل

.. لا دا أخويا الالكترون لازم أشتغل
عكسه احنا على تواصل مستمر

.. أخوك دا موجود؟؟

.. موجود ومش موجود؟

.. أزاي؟؟

.. تخيل مثلاً أنك أرسلت صديق ألى
مشوار وطلبت منه أن يسرع بأقصى ما
لديه من طاقة فتمكن من انجاز المهمة
في 20 دقيقة... كررنا التجربة عشرات
المرات وفي كل مرة خلال 20 دقيقة
ولكن في المرة الأخيرة أخبرته أنه بعد
العودة سيكون مبلغ 5 ملايين جنيه في
انتظاره مكافأة وهنا ينجز المهمة في
12 دقيقة فأين ذهبت 8 دقائق؟؟؟؟ بعد

ذلك نعيد المهمة ويعود لل20 دقيقة
مرة أخرى وهنا نقول أن الملايين
الخمسة أعطت طاقة لمصطفى كانت
السبب في اختصار الثمانية دقائق..
فالموجود غير موجود وغير الموجود
أصبح موجود هذه فيزياء الكم. الأمر
أشبه برفع الأثقال.. فالبطل أحيانا يقوم
برفع أثقال لا يستطيع رفعها في التدريب
ولكن أثناء البطولة شئ ما أصبح موجود
وقت المنافسة وفي الصالة أمام
الجمهور لم يكن موجود وقت التدريب..
هذا الشئ هو الذي جعله يرفع الأثقال
التي لا يستطيع رفعها في الحالة العادية
رغم أنها نفس العضلات.

.. يعنى الموجود مش موجود.. بس
موجود

.. بالضبط أنت كده بدأت تفهم فيزياء
الكم

.. بس أزاى نفهم دا من غير تجارب

.. بالمعادلات .. الأرقام أصدق لغة على
كوكب الأرض والمعادلات لا تكذب أبدا
سنة 1855 كتبوا معادلات تشرح طبيعة
حلقات كوكب زحل بعلم التفاضل
والتكامل

.. كلارك ماكسويل

.. حبيبي يا مذاكر.. بس فعليا ما
شوفناس الحلقات ولمسناها الا سنة
2007 مع المركبة كاسيني واللى قعدت
3 دقائق مع الكوكب الجميل..
المعادلات خلطنا نشوف زحل قبل ما
نشوفه فعلا ب 152 سنة

.. بس التفاضل والتكامل حاجات صعبة
أوي مش كل الناس تستوعب دا
.. هاقولك حاجة أسهل

.. اتفضل

.. حقيقة بسيطة وواضحة $3+2+1$
يساوى 6 فمثلا لو ذهبت لشراء تفاح

ووضعت واحدة ثم اثنين ثم ثلاثة فهذا
معناه انك وضعت 6 تفاحات ولكن
لنتعامل مع القصة بالأرقام. نحن أمام
ثلاثة أرقام متتالية ومجموعهم 6 لذا
سنفترض ان الرقم الأول س مثلا
وبالتالي سيكون الرقم الثاني س + 1
والثالث س + 2

$$\text{وبالتالي س} + \text{س} + 1 + 2 = 6$$

$$\text{ومنها } 3\text{س} = 3 + 6 \text{ وبالتالي } 3\text{س} = 9$$

واخيرا س = 3 بالفعل وهكذا تاكدنا ان
الأرقام الثلاثة 1 و 2 و 3 تساوي 6 ولكننا
خرجنا بقانون أو معادلة إذا صح التعبير
وهي

$$3\text{س} + 3 = \text{مجموع الأرقام الثلاثة}$$

.. تمام شراء التفاح كان الاثبات
الفيزيائي أو التجربة والمعادلات الاثبات
الرياضي

.. بالضبط

.. بس طالما أنت الكترون يعنى ممكن
تشوف حاجات أحنا مش شايفنها

.. دي أسرار معلش بس تلسكوب
جيمس ويب هيشرح حاجات كثير
وهتشوفه حاجات أكثر
.. أزاى؟

.. تخيل أنك تجلس تتحدث مع شخص
اسمه (محمد) مثلا ومحمد الان يضع
يده على رأسه وأنت تراه ولكن تخيل
لو كان الضوء الذي ينعكس من محمد
يصل إليك بعد 5 دقائق فهذا معناه أنك
لن ترى محمد يضع يده على رأسه إلا
بعد 5 دقائق ولكن في هذه اللحظة لم
يكون كذلك فلقد مرت 5 دقائق.
التجربة السابقة نعيشها يوميا مع
النجوم وضوء الشمس فضوء النجوم
من الماضي لأجسام ربما تكون غير
موجودة أو في مكان آخر ولكننا لانراها
إلا عن طريق الضوء الذي يصل إلينا

متاخرا فما نراه ليس إلا الماضي وضوء الشمس يحتاج تقريبا لـ 8 دقائق حتى يصل إلينا لذا فالضوء الواصل مر عليه 8 دقائق وليس المنبعث لحظتها من الشمس فأنت تعيش الماضي باستمرار والسر في الضوء. وهذا هو المهم في تلسكوب جيمس ويب فببساطة سيرصد الضوء المنبعث من 13 مليار سنة وهذا يعنى عمر الكون فماذا يمكن أن يكتشف؟

.. كثير

.. ممكن افهم ايه سبب الاجراءات دي أول مرة يحصل تحقيق معايا كده

.. بصراحة بندور على الكروبتوكروم وبنشوف أي الكترون معدي من هنا

.. طب شوفوا طائر أبو الحناء بيطير من شمال أوروبا لأسبانيا عن طريق التشابك الكمي تقريبا 1000 كيلو عن طريق الكروبتوكروم..

.. ما هو أبو الحناء اللي عايزين يفهموه
بيرسل اشارات في لحظة أكثر من
1000 كيلو متر

.. أيه يعنى أخويا اللي باكلمه دلوقتي
واقف في آخر الكون
.. لحظة أراي بقى أنت بسرعة الضوء
كده

.. اسرع أنا بسرعة التشابك الكمي
أسرع من الضوء
.. مفيش اسرع من ضوء

.. أنت لسه في زمن اينشتاين خلاص
قديم الكلام دا

.. يعنى في أسرع من الضوء

.. دي اللي مزعلاك طب خد بقى
الثقيلة وهاكها ببساطة لو اشتريت
عيش وجبة يوم الاثنين وصحيت الثلاثاء
الصبح وفطرت عيش وجبته مين اللي
سبب الثاني

.. طبعي أنا اشتريت الاثنين. فكلت
الثلاثاء فين المشكلة

.. ممكن يكون العكس اللي حصل أنت
كلت الثلاثاء عشان كده أشتريت
الاثنين.. المستقبل سبب الماضي مش
الماضي اللي سبب للمستقبل

.. شكرا.. كفاية كده ممكن تفضل
ينصرف الالكترون ويبدأ الضابط في
الحديث لنفسه

.. الالكترون موجه وجسيم في نفس
الوقت.. الموجود مش موجود.. الماضي
باشوفه بشكل مستمر.. المستقبل
يصنع الماضي..

يسمع صوت الالكترون

.. صح أنت كده فهمت فيزياء الكم
.. أنا كده فهمت أنني جالي صدام ومش
هاوقف الكترون ثاني بعد كده جسيم
ولا موجه يتفضل يعدي من البوابة

تمت